

የሃኒሳ ፃፊዳ ኮይር ከታ ጌሉዋ

ዬሱሲ ከታዳ የሃኒሳ ፃፊዳ ኮይር ከታይ፡ ላዑ ሁጴ ቆጋቱዋ አይቆዳ፤ ሄዋንቱካ፡ ናባቢያዋንቶ ያሳናኔ አ ናዓ ዬሱሲ ከሪሰቶሳና አቲፔቱላይ ዴዓናዳን ማንጭላናሳኔ ሃ አቲፔቱላ ቆይሳናው ዳንዳይያ ዋርዶ ቲሚርቲያፔ አንቱንቱ ሃካና ማላ፡ ሚኒሲዴ አኩከሳናሳ። ሄ ዋዴ ዴንዴዳ ዋርዶ ቲሚርቲ «ኢታቱላይ ፑልቲያዌ ሃ ኑኒ ዴዒያ ዋልቃማ አላሚያና ጋኩቲያ ጋኩላና ጊዲያ ዲራው፡ ያሳ ናዓይ ዬሱሲ ሙሌካ አሳ ጊዳናው ዋይ፡ አሳቱላ ኤሻይ አው ዴዓናው ዳንዳይና» ያጊያዋ። ሄ አስታማራቱ፡ «አቶቱላ ጉሳይ አላሚያ ዴዑዋሲ ኡንዔቲያዋፔ ላዓ ኬሲያዋ» ያጊና። ሄዋ ቦላካ ቃሲ «ኢታኔ ኬካ ሻኪዴ አይቂያዋ ዋይ፡ ሃራ አሳው ሲቁዋ ቤሲያዋ ጊዶፔካ፡ አቶቱላና አንቱንታ ጋሲያባይ ባዋ» ያጊና።

ፃፊ ሃ ቲሚርቲያ ኤቁቲዳ፡ «ዬሱሲ ከሪሰቶሲ ፖሎ አሳ፤ ዬሱሳን አማኒያዋንቱኔ ያሳ ሲቂያዋንቱ ኡባይ ባሬንቱ ጊዶኒካ አቱ አቱዋና ሲቁታናው ቤሴ» ያጊዴ ኦዴዳ።

ሼዎጋቱዋ ኡባቱዋሲ አሚቴዳ ቃንሳ ቆፋቱዋ

- ጌሉዋ (1:1-4)
- ፖዑዋኔ ቆማ (1:5-2:29)
- ያሳ ናናኔ ፃላሂያ ናና (3:1-24)
- ቱሙዋኔ ባሌሉዋ (4:1-6)
- ሲቁዋ ዋልቃንሉዋ (4:7-21)
- ዶኒያ አማኑዋ (5:1-21)

ዴዑዋ ቃላ

- 1 ኑኒ ኮዩሩዋፔ ዶሚዴ ዴዒያ፡ ኑ አዩፊያን ቤዒዴ፡ ኑ ኩሺያን አ ቦቺ ቤዒዳ ዴዑዋ ቃላባ ሂንቱንቶ ፃፊቶ። ኑኒ አ ቤዒዳ፤ ኑ ኩሺካ አ ቦቺ ቤዒዳ።
- 2 ሄ ዴዑ ቆንጨና፡ ኑኒ አ ቤዒዴ፡ አባ ሂንቱንቶ ማርካቲቶ፤ ቃሲ ያሳ አዉዋ ማታን ዴዒያ ኑሲ ቆንጨዳ ሜዲና ዴዑዋባ ሂንቱንቶ ኦዴቶ።

3 ቃሲ ኮናና ሂንቴንቶ ኢቲፔቴላይ ዴዓና ማላ፡ ኮኒ ቤዔዳዋኔ ሲሴዳዋ ሂንቴንቶ ኮዴቶ፤ ኮሲ ኣጫዋናኔ ኣ ናዓ ዩሱሲ ኪሪሰቶሳና ኢቲፔቴላይ ዴዔ።

4 ኮኒ ኮ ናሼቻይ ፖሌታና ማላ፡ ሃዋ ሂንቴንቶ ፃፊቶ።

ፆሳይ ፖዑዋ

5 ኮኒ ፆሳ ናዓፔ ሲሲዴ፡ ሂንቴንቶ ኦዲያ ኪታይ፡ «ፆሳይ ፖዑዋ፤ ኣኒ ቋማይ ሙሌካ ባዋ» ያጊያዎ።

6 ኮኒ ኮሲ ኣናና ኢቲፔቴላይ ዴዔ ጊዴ ቋማኒ ዴፆፔ፡ ኮ ሃሳያኒኔ ኮ ኦሱዋን ዋርዶቲቶ።

7 ሺን ፖዑዋን ኢ ዴዒያዋዳን፡ ኮኒካ ፖዑዋን ዴፆፔ፡ ኮሲ ኢቶ ኢቱዋና ኢቲፔቴላይ ዴዔ፤ ቃሲ ኣ ናዓ፡ ዩሱሲ ኪሪሰቶሳ ሱላይ ናጋራ ኡባፔ ኮና ጌሼ።

8 ኮኒ ናጋራ ኦሊቤይኮ ጎፔ፡ ኮሬካ ኮና ጨሜቶ፤ ኮናን ቱማቴላይካ ባዋ።

9 ሺን ኮኒ ፆሳው ኮ ናጋራ ፓፆፔ፡ ኢ ኮ ናጋራ ኣቶ ጋናጫኔ ኮ ባዪዞ ኦሱዋ ኡባፔ ኮና ጌሻናው፡ ኣማኔቲያዋኔ ቱሙዋ ኦሊያዎ።

10 ኮኒ ናጋራ ኦሊቤይኮ ጎፔ፡ ፆሳ ዋርዶዋ ጌቶ፤ ኣ ቃላይካ ኮ ዋዛናን ዴዔና።

2

ኪሪሰቶሲ ኮሲ ጋናቲያዋ

1 ታ ናቶ፡ ናጋራ ሂንቴ ኦሌናዳን፡ ታኒ ሃዋ ሂንቴንቶ ፃፋይ፤ ሺን ኦኒኔ ናጋራ ኦሶፔ፡ ኣጫዋ ማታን ኮሲ ጋናቲያ ዩሱሲ ኪሪሰቶሲ፡ ዪሉ፡ ዴዔ።

2 ቃሲ ኮኒ ኮ ናጋራ ኣቶ ጌቴቱሳ ኪሪሰቶሳ ባጋና ዴሜቶ፤ ኪሪሰቶሲ ያርሼቴዳዌ ኣሳ ኡባ ናጋራ ዲጋናሳፔ ኣቲን፡ ኮ ናጋራ ፃላላ ዲጋናሳ ጊዴና።

3 ኮኒ ፆሳ ኣዛዙዋ ናጎፔ፡ ቱሙ ኣ ኤሪያዋ ሃዋን ሻካናው ዳንዳዬቶ።

4 ኢቲ ኡራይ፡ «ታኒ ኣ ኤራይ» ጊዴ፡ ቃሲ ኣ ኣዛዙዋ ናጌናን ኣጎፔ፡ ሄ ኡራይ ዋርዶዋ፤ ቱማቴላይካ ኣኒ ባዋ።

5 ሺን ኣ ቃላው ኣዛዙቲያ ኦና ጊዶፔኔ፡ ሄ ኡራይ ፆሳ ሲቁያዌ ቱሙ ፖሌቴዳ። ኮኒ ፆሳን ዴዒያዋ ሃዌ ኮና ኤሪሴ። ሄዌካ፡

6 «ታኒ፡ ፆሳን ዴዓይ» ጊያ ኦኒኔ ኪሪሰቶሲ ዴዔዳዋዳን ዴዓናው ቤሴ።

ኦራላ ኣዛዙዋ

7 ታ ሲቃቶ፣ ታኒ ሂንቴንቶ ኮዩሩዋፔ ዳዒያ ኤጫ አዛዙዋ ፃፋይፔ አቲን፣ ኦራላ አዛዙዋ ፃፊኬ፤ ሄ ኤጫ አዛዙ ሂንቴ ሲሴዳ ቃላ።

8 ጊደፔካ፣ ታኒ ሂንቴንቶ ላዔንሉዋ ኦራላ አዛዙዋ ፃፋይ፤ ሄ አዛዙዋ ቱማቴላይካ ኪሪሰቶሳኒኒ ሂንቴናን ቤቴ። አዩሲ ጎፔ፣ ዱማይ ዳዩ፤ ቱሙ ፖዑ ሃዒ ፖዒ።

9 ፖዑዋን ዳዒይ ጊዳ፣ ባሬ አሻ አዲያ ኦኒኔ ሃኖ ጋካናሲካ ዱማኒ ዳዒ።

10 ባሬ አሻ ሲቂያ ኦኒኔ ፖዑዋን ዳዒ፤ ሄ ኡራን ሃራ ኡራ ዱቢያባይ አያይኔ ባዋ።

11 ሺን ባሬ አሻ አዲያ ኦኒኔ ዱማኒ ዳዒ፤ ዱማኒ ሃማቴ። ዱማይ አ አይፊያ ቆቂሲ ዋሌዳ ዲራው፣ ሃቃ ቢንቶኔ ኤሬና።

12 ታ ናቶ፣ ያሳይ ኪሪሰቶሳ ሱንላ ዲራው፣

ሂንቴ ናጋራ አቶ ያጌዳ ዲራው፣ ታኒ

ሂንቴንቶ ፃፋይ።

13 አዎቶ፣ ኮዩሩዋፔ ዳዒያዋ ሂንቴ ኤሬዳ ዲራው፣

ሂንቴንቶ ፃፋይ።

ያላጋቶ፣

ፃላሂያ ካፑዋ ሂንቴ ያኔዳ ዲራው፣

ሂንቴንቶ ፃፋይ።

ጉላ ናቶ፣ ያሳ አጫዋ ሂንቴ ኤሬዳ ዲራው፣

ሂንቴንቶ ፃፋይ።

14 አዎቶ፣ ኮዩሩዋፔ ዳዒያዋ ሂንቴ ኤሬዳ ዲራው፣

ሂንቴንቶ ፃፋይ።

ያላጋቶ፣

ሂንቴ ሚኖ ጊዲያ ዲራውኔ

ያሳ ቃላይ ሂንቴናን ዳዒያ ዲራው፣

ቃሲ ፃላሂያ ካፑዋ ሂንቴ ያኔዳ ዲራው፣

ሂንቴንቶ ፃፋይ።

15 ሃ አላሚያ ዋይ አላሚያን ዳዒያ አያኔ ሲቆፒቴ። ሂንቴ ሃ አላሚያ ሲቆፒቴ፣ ያሳ ሲቁ ሂንቴናን ባዋ።

16 አዩሲ ጎፔ፣ ሃ አላሚያን ዳዒያ ኡባባይ፣ ሄዌካ፣ አሳቴላ አሙ፣ አዩፊያን ያሊዳ ካጄሊያዌኔ ባሬ ዳዒያዋን ጨቁቴያዌ ሃ አላሚያፔ ዬዳዋፔ አቲን፣ ያሳፔ ዩቤና።

17 ሃ አላሚያ ሃ አላሚያን አሳይ አሞቴያ ኡባባይ አቆና። ሺን ያሳይ ጌዳዋ ኦሌያ ኡራይ ሜዲናው ዳዒና።

ኪሪሰቶሳ ኤቁቴያዋፔ ናጌቴያዋ

18 ታ ናቶ፡ ዎዲያ ወርሴላይ ማታቲዳ፤ ከሪሰቶሳ ኤቄቲያዌ ሲንላፕ ያናዎ ሂንቲ ሲሴዳዎዳን፡ ሃራይ አቶ ሃዒካ አ ኤቄቲያዎንቱ ጮራቱ ዳንዴዲኖ። ሄዎ ዲራው፡ ዎዲያ ወርሴላይ ማታቲዳዎ ኮኒ ሄዎን ኤራቶ።

19 ሃ ኤቄቲያዎንቱ ኑ ባጋ ጊዳና ዲራው፡ ኑ ጊዶፔ ከሴዲኖ፤ አዪሲ ጎፔ፡ አንቱንቱ ኑ ባጋ ጊዲያባ ጊዲንቶኔ፡ ኑ ጊዶን ዳዓና፤ ሺን አንቱንቱፔ ኦኒኔ ኑ ባጋ ጊዳናዌ ኤራታና ማላ፡ ኑ ጊዶፔ ከሴዲኖ።

20 ሺን ከሪሰቶሲ ሂንቲ ቦላ ጌሻ አያና ጉሴዳ፤ ቃሲ ሂንቲ ኡባይ ቱሙዎ ኤሪታ።

21 ቱሙዎ ሂንቲ ኤሪያ ዲራውኔ ቃሲ ቱሙዎን ዎርዱ አያይኔ ባዪናዎ ሂንቲ ኤሪያ ዲራው፡ ታኒ ሂንቲንቶ ፃፋይፔ አቲን፡ ቱሙዎ ሂንቲ ኤሪና ዲራው ፃፊኬ።

22 ዬሱሲ ኦኬቲዳ ከሪሰቶሳ ጊዲያዎ ኤሪኬ ጊያ ኡራፔ አቲን፡ ዎርዱ ኦኔ? ሄዌ ያሳ አዉዎኔ ናዓ ኤሪኬ ጊያዌ ከሪሰቶሳ ኤቄቲያዎ።

23 ያሳ ናዓ ኤሪኬ ጊያ ኦናኔ ያሳ አዉካ ኤሪና፤ ያሳ ናዓ ኤራይ ጊያ ኦናኔ ቃሲ ያሳ አዉካ ኤሪ።

24 ሄዎ ዲራው፡ ኮዪሩዎፔ ሂንቲ ሲሴዳዎ ሂንቲ ዎዛናን ማኒሲዴ ናጊፔ። ኮዪሩዎፔ ሲሴዳዎ ሂንቲ ናጎፔ፡ ሂንቲንቶ ቃሲ ያሳ ናዓናኔ ያሳ አዉዎና አቲፔፔላይ ዳዓና።

25 ቃሲ ከሪሰቶሲ ባሬ ሁጾው ኑሲ አማና ጌዳዌ ሜዲና ዳዑዎ።

26 ታኒ ሃዎ ሂንቲንቶ ሄ ሂንቲና ባሌሊያ አሳቱዎ ዲራው ፃፋዲ።

27 ሺን ከሪሰቶሲ ሂንቲ ቦላ ባሬ ጌሻ አያና ጉሴዳ። ጌሻ አያናይ ሂንቲናን ዳዒያ ዲራው፡ ኦኒኔ ሂንቲና ታማሪሳና ኮሺና፤ አዪሲ ጎፔ፡ አ ጌሻ አያናይ ሂንቲና ኡባባ ታማሪሴ። ኢ ታማሪሴያዌ ቱሙዎፔ አቲን ዎርዱዎ ጊዳና። ሄዎ ዲራው አያና ጌሻ ቲማርቲው አዛዜቲዳ፡ ከሪሰቶሳና አቲፔፔላን ዳዒቲ።

28 ታ ናቶ፡ ቃሲ ኢ ቆንጪያ ዎዳ፡ ኩኒ ያሺ ባዪናዎንታ ጊዳናዲኒኔ፡ አ ዩሳ ጋላሲ አ ሲንላን ኩኒ ዬላፔናዳን፡ አናና አቲፔፔላን ዳዒቲ።

29 ከሪሰቶሲ ጂሎ ጊዲያዎ ሂንቲ ኤሮፔ፡ ጂሎባ ኦሊያ ኡባይ ያሳ ናዓ ጊዲያዎ ኤራናው ቤሴ።

3

ያሳ ናናቱዎ

1 ኮኒ ያሳ ናናቱዋ ጌቲቲዳ ያሴታና ማላ፣ ያሳይ ኑና አይ ኬና ሲቁዳንቶኔ በዒቲ። ኮኒ ቱሙካ አ ናናቱዋ። ሃ አላሚ ያሳ ኤሬና ዲራው። ኑናካ ኤሬና።

2 ታ ሲቃቶ፣ ሃዒ ኮኒ ያሳ ናናቱዋ፤ ኮኒ አያ ሃናኔንቶ በር ኤሬቲበና፤ ሺን ኪሪሰቶሲ ቆንጪያ ዋዳ፣ ኮኒ አ ማላታናዋ ኤሬቶ። አዪሲ ጎፔ፣ ኢ ቱሙ አ ጊዲያዋ ኮኒ ኩሜንላን በዒና።

3 ቃሲ ኪሪሰቶሳ በዒና ጊዳ ናሼቻን ናጊያ ኦኒኔ ኪሪሰቶሲ ጌሻ ጊዳዳዋዳን፣ ባሬና ጌሼ።

4 ናጋራ ኦሊያ ኡባይ ያሳ ሂጊያ ሜንሌ፤ አዪሲ ጎፔ፣ ናጋራይ ያሳ ሂጊያ ሜንሌሳ።

5 ኪሪሰቶሲ አሳ ናጋራ ቆዳሳናው ቆንጩዳዋ ሂንቲ ኤሬታ፤ አኒ ናጋራይ ባዋ።

6 ኪሪሰቶሳን ዳዒያ ኦኒኔ ናጋራ ኦሊዳ ዳዒና፤ ቃሲ ናጋራ ኦሊዳ ዳዒያ ኦኒኔ አ በዒበና ዋይ ኤሬበና።

7 ታ ናቶ፣ ኦኒኔ ሂንቲና ባሌሶ። ኪሪሰቶሲ ዲሎ ጊዲያዋዳን፣ ዲሎባ ኦሊያ ኡራይ ዲሎ።

8 ፃላሂያ ካፑ ኮዩሩዋፔ ናጋራ ኦሊዳ ዲራው፣ ናጋራ ኡባ ዋዳ ኦሊያ ኡራይ ፃላሂያ ካፑዋሳ፤ ሄዋ ዲራው፣ ያሳ ናዒይ ፃላሂያ ካፑዋ ኦሱዋ ቆዳሳናው ቆንጩዳ።

9 ያሳ ናናቱዋ ጊዲያ ኡባይ ያሳ ሜዴታይ ኡንቲንቲን ዳዒያ ዲራው፣ ናጋራ ኡባ ዋዳ ኦሊኪና፤ ቃሲ ያሳይ ኡንቲንቲ አወዋ ጊዲያ ዲራው፣ ናጋራ ኦላናው ዳንዳዩኪና።

10 ያሳ ናናቱዋ ጊዲያኒኔ ፃላሂያ ካፑዋ ናናቱዋ ጊዲያ ዳዒያ ዲማቲላይ ሃዋን ኤሬቲ፤ ዲሎባ ኦሊናዋንቲኔ ዋይ ባሬ ኢሻ ሲቁናዋንቲ ኦኒኔ ያሳ ናናቱዋ ጊዲኪና።

ኢቱ ኢቱዋና ሲቁቲያዋ

11 አዪሲ ጎፔ፣ ኮዩሩዋፔ ሂንቲ ሲሴዳ ኪታይ፣ «ኢቱ ኢቱዋና ሲቁታናው በሴ» ያጊያዋ።

12 ኮኒ ቃዬላ ማላ ጊዳናው በሴና። ቃዬላ ፃላሂያ ካፑዋሳ፤ ሄዋ ጊዳ ዲራው፣ ባሬ ኢሻ ዋዴዳ። ኢ ባሬ ኢሻ አዪሲ ዋዴዳ? ኢ ኦሊዳ ኦሱ ኢታ ጊዲና፣ አ ኢሻይ ኦሊዳ ኦሱ ሎዓ ጊዳዳ ዲራው ዋዴዳ።

13 ታናዳን ያሳ ካሊያዋንቶ፣ ሃ ሳዓ አሳይ ሂንቲና ኢዎፔ፣ ኦራላባ ጎፒቲ።

14 ኮኒ አማኒያዋንታ ሲቁያ ዲራው፣ ሃዩቁዋፔ ዳዎ ፒኔዳዋ ኤሬቶ፤ አማኒያዋንታ ሲቁና ኡራይ ኦኒኔ ሃዩቁዋ ጊዲያ ዳዒ።

15 አማኒያዋንታ ኢዲያ ኦኒኔ ሸምጥዋ ዋዲዳዋ፤ ቃሲ ሸምጥዋ ዋዲዳዋን ማዲና ዳዑ ባዩናዋ ሂንቱ ኤሪታ።

16 ኪሪሰቶሲ ባሪ ሸምጥዋ ኑ ዲራው አሊዳ አሜዳዋን ሲቁ አዬንቶ ኩኒ ኤሬዶ፤ ኩኒካ አማኒያዋንቱ ዲራው፤ ኑ ሸምጥዋ አሊዳ አማናው ቤሴ።

17 ሺን ዱሪ አሳይ ኦኒኔ ባሪ አሻይ ማቶቲያዋ ቤዒዳ፤ አው ቃሪቴናን አያፔ፤ ባሪ ዋዛናን ያሳ ሲቃይ ጋናው ዋኒ ዳንዳዩ?

18 ታ ናቶ፤ ኩኒ ኦሱዋኒኔ ቱማቴላን ሲቁቶይቴ ኣቲን፤ ጮ ሃሳያን ዋይ ቦላ ዶናን ሲቁታናው ቤሴና።

ያሳ ሲንላን አማኔቲዳ ኤቁያዋ

19-20 ኩኒ ቱሙዋ ባጋን ዳዒያዋ ሄዋን ኤራና፤ ቃሲ ኑ ዋዛናይ ኑ ቦላ ፒርዲያ ዋዴ ኡባን፤ ያሳ ሲንላን ቱማቴላ ኑና ሄዋን ኤሪሴ። አዩሲ ጎፔ፤ ያሳይ ኑ ዋዛናፔ ዋልቃማ፤ ቃሲ ኢ ኡባባ ኤሬ።

21 ታ ሲቃቶ፤ ኑ ዋዛናይ ኑ ቦላ ፒርዳናዋ ገዶፔ፤ ኩኒ ያሳ ሲንላን ያዮኩ።

22 ኩኒ አ አዛዙዋ ናጊያ ዲራውኔ አ ናሹቺያባ አሊያ ዲራው፤ ዋሲያ ኡባባ አፔ አኬቶ።

23 ያሳ አዛዙ ሃዋ፡ ኪሪሰቶሲ ኑና አዛዜዳዋዳንካ፤ ያሳ ናዓ ዬሱሲ ኪሪሰቶሳ ሱንላን ኩኒ አማናናዲኒኔ አቱ አቱዋና ሲቁታናዳን ያሳይ ኑና አዛዜዳ።

24 ያሳ አዛዙዋ ናጊያ ኦኒኔ ያሳ ገዶን ዳዔ፤ ያሳይካ አ ገዶን ዳዔ፤ ያሳይ ኩሲ አሜዳ አ አያና ባጋና ኢ ኑ ገዶን ዳዒያዋ ኩኒ ኤሬቶ።

4

ቱማንቻ አያናኔ ዋርዶ አያና

1 ታ ሲቆቶ፤ ያሳ አያናይ ታናን ዳዔ ገያ ኡባ አማኖፒቴ፤ ሺን ኡንቱንቱን ዳዒያ አያናይ ያሳፔዬ ዋይ ገደኔንቶ ፓጩቴ። አዩሲ ጎፔ፤ ጮራ ዋርዶ ናባቱ ኡባሳ ቤዲኖ።

2 ያሳ አያና ገዲያዋ ሂንቱ ሃዋን ኤራና፤ «ዬሱሲ ኪሪሰቶሲ አሳ ገዲዳ ዬዳዋ አማናይ» ገያ ኦናኒኔ ዳዒያ አያናይ ኡባይ ያሳፔ ዬ።

3 ቃሲ ኪሪሰቶሲ አሳ ገዲዳ ዬዳዋ አማናይ ጌናዋ አያናይ ኡባይ ያሳፔ ዩቤና፤ ኦኒ ኪሪሰቶሳ ኤቁቲያ አያናይ ዳዔ። ሂንቱ ሄዋ ያናዋ ካሴ ሲሴዲታ፤ ኢ ሃራይ አቶ ሃዒካ ሃ አላሚያን ዳዔ።

4 ታ ናቶ፡ ሂንቲ ያሳዋንታ፤ ሂንቲ ገደን ዳዒያ ጌሻ አያናይ ሃ አላሚያን ዳዒያ አያናፔ ዳሮ ዋልቃሚያ ዲራው፡ ዋርዶ ናባቱዋ ሂንቲ ያኔዲታ።

5 ኡንቱንቱ ሃ አላሚያ አሳ ገዲያ ዲራው፡ ሃ አላሚያባ ሃሳዪኖ፤ ሃ አላሚያ አሳይካ ኡንቱንቱ ሃሳያ ሲሴ።

6 ኑኒ ያሳዋንታ፤ ያሳ ኤሪያ ኑኒ ኑኒ ገያዋ ሲሴ። ያሳ ኤሪና ኑኒ ኑኒ ገያዋ ሲሴና። ኑኒ ቱሙ አያናኔ ዋርዶ አያና ሄዋን ሻኬቶ።

ያሳይ ሲቁዋ

7 ታ ሲቃቶ፡ ሲቁ ያሳፔ ዪያ ዲራው፡ እኔ አቱ አቱዋና ሲቁቶይቱ። ሲቁቱያ ኑኒኔ ያሳ ናና፤ ያሳካ ኤሪኖ።

8 ያሳ ኤሻይ ሲቆ ገዲያ ዲራው፡ ሲቁና ኡራይ ኑኒኔ ያሳ ኤሪና።

9 ያሳይ ኑና ባሬ ሲቁዋ ሃዋን ቤሴዳ፤ ኑኒ አ ባጋና ዳዑዋ ዳማና ማላ፡ ባሬ አቲ ናዓ ሃ አላሚያ ኪቱዳ።

10 ሲቁዋ ገያዌ ሃዋ፤ ያሳይ ኑና ሲቁዳ፡ ኑኒ ኑ ናጋሬፔ ማርቱላ ዳሜዳ ባሬ ናዓ ኑሲ ኪቱዳፔ አቲን፡ ኑኒ አ ሲቁዳዋና ገደና።

11 ታ ሲቆቶ፡ ያሳይ ኑና ሃዋዳን ሲቁዳዋ ገደፔ፡ ኑኒካ አቱ አቱዋና ሲቁታናው ቤሴ።

12 ያሳ ኑኒኔ ሙሌካ ቤዒቤና፤ ኑኒ አቱ አቱዋና ሲቁቶፔ፡ ያሳይ ኑ ገደን ዳዒ፤ አ ሲቁካ ኑ ገደን ፖሌቱዳ።

13 ያሳይ ባሬ አያና ኑሲ አሜዳ ዲራው፡ ኑኒ ያሳ ገደን ዳዒያዋኔ አካ ኑ ገደን ዳዒያዋ ኤሪቶ።

14 ያሳ አዉ ባሬ ናዓ ሃ አላሚያ አሺያዋ ገዳናው ኪቱዳዋ ኑኒ ቤዒዳ ማርካቱቶ።

15 ዩሱሲ ያሳ ናዓ ገዲያዋ ማርካቱያ ኑ ገዲያዋኒኔ ያሳይ ዳዒ፤ አካ ያሳ ገደን ዳዒ።

16 ያሳይ ኑና ሲቁያዋ ኑኒ ኑ ሁጴው ኤሪቶኔ አማኔቶ።

ያሳይ ሲቁዋ። ሲቁዋን ዳዒያ ኑኒኔ ያሳ ገደን ዳዒ፤ ያሳይካ አ ገደን ዳዒ።

17 ኑ ዳዑ ሃ አላሚያን ኪሪሰቶሲ ዳዒዳዋ ማላ ገዲያ ዲራው፡ ፐርዳ ጋላሲ ኑኒ ያዬና ማላ፡ ሲቁ ኑ ገደን ፖሌቱዳ።

18 ሲቁዋን ያሺ ባዋ፤ ጋሱካ ቱሙ ሲቁ ያሻ ከሲ ኑሌ። ያሻይኔ ሙራይ አቲፔ ቢያ ዲራው፡ ያዪያ ኡራ ሲቁ ኩሜንላ ገደና።

19 ያሳይ ኮይሮ ኑና ሲቁዳ ዲራው፡ ኑኒ አ ሲቁዳ።

20 ኦኒኔ፣ «ታኒ ያሳ ሲቃይ» ጌዴ ባሬ ኢሻ ኢያፕ፣ ኢ ዎርዲዎ።
አዪሲ ጎፔ፣ ቤዔዳ ባሬ ኢሻ ሲቁናዌ ቤዒቤና ያሳ ሲቃናው ዋኒ ዳንዳዪ?

21 ቃሲ ኪሪሰቶሲ ኑሲ ኢሜዳ አዛዙ ሃዎ፤ ያሳ ሲቁያ ኡራይ ባሬ ኢሻካ ሲቃናው ቤሴ።

5

ሃ አላሚያ ያኒያዎ

1 ኦኒኔዳ ኪሪሰቶሳ ያጌዴ፣ ዩሱሳ አማኒያ ኡባይ ያሳ ናና፤ ቃሲ ያሳ አጫዎ ሲቁያ ኦኒኔ አ ናናቱዎካ ሰቄ።

2 ኦኒኔ ያሳ ሲቁያዎኒኔ አ አዛዙዎ ናጌያዎን፣ ያሳ ናናቱዎ ሲቁያዎ ኤሬቶ።

3 አዪሲ ጎፔ፣ ኦኒኔ ያሳ ሲቁያዌ አ አዛዙዎ ናጌያዎ፤ አ አዛዙካ ዴዎ ጌዴና።

4 አዪሲ ጎፔ፣ ያሳ ናዓ ጌዲያ ኦኒኔ ሃ አላሚያ ያናናው ዳንዳዬ፤ ኦኒካ ሃ አላሚያ ያናናዌ ኑ አማኑዎና።

5 ሃ አላሚያ ያናናው ዳንዳዪያዌ ኦኒኔ? ዩሱሲ ያሳ ናዓ ጌዲያዎ አማኒያዎ ያላላይ ያናና።

ኪሪሰቶሳዎ ማርካቲዳዎ

6 ዪንቃታ ሃላናኔ ሃይቁዎ ሱላና ዩዳዌ ሃዎ፤ ኢካ ዩሱሲ ኪሪሰቶሳ፤ ሃላናኔ ሱላና * ኢ ዩዳዎፔ አቲን፣ ሃላ ያላላና ዪቤና። ጌሻ አያናይ ቱማ ጌዲያ ዲራው፣ ሄዌ ቱማ ጌዲያዎ ኢ ባሬ ሁጹው ማርካቲ።

7 አዪሲ ጎፔ፣ ሄዙ ማርካቲ ዴዒና።

8 ሄዎንቱ፣ ያሳ አያና፣ ሃላኔ ሱላ፤ ሃ ሄዛቱ ኢቱ ኢቱዎዎ ጳልቁኪና።

9 ኦኒኔ አሳይ ማርካቲያዎ አማኖፔ፣ ያሳይ ማርካቲያዌ አሳዎፔ ሎይላ አዴ፤ አዪሲ ጎፔ፣ ያሳይ ባሬ ናዓባ ማርካቲዳ ማርካቲላይ ሃዎ።

10 ያሳ ናዓ አማኒያ ኡራ ዎዛናን ሃ ማርካቲላይ ዴዒ። ያሳ አማኔና ኡራይ ኦኒኔ ያሳይ ባሬ ናዓው ማርካቲዳ ማርካቲላ አማኒቤና ዲራው፣ ያሳ ዎርዲዎ ጌ።

11 ሲሚ ማርካቲላይ ሃዎ፤ ያሳይ ኦሲ ሜጲና ዴዑዎ ኢሜዳ፤ ሄዎካ አ ናዓን ዴዒ።

* 5:6 ሃላናኔ ሱላና፣ ዩሱሲ ሃ አላሚያ ዪዴ ዪንቃታ ሃላ ያላላና ጌዴናን ባሬ ሃይቁዎ ሱላን ዩዳ፣ ሄዎ ጉሳይ ኢ አሳ ኩሺያን ያማቁቱሳ ያላላ ጌዴናን፣ ሃ አላሚያን ሃይቁዳ ጉሳ።

12 ያሳ ናዓይ ዳዒያ ኦሲኔ ዳዑ ዳዔ፤ ያሳ ናዓይ ባይና ኦሲኔ ዳዑ ባዋ።

ሜዲና ዳዑዋ

13 ያሳ ናዓ ሱንሳን አማኒያ ሂንቴንቶ ሜዲና ዳዑ ዳዒያዋ ሂንቴ ኤራና ማላ፤ ሃዋ ሂንቴንቶ ፃፋዲ።

14 ያሳይ ኮዪያዋዳን፣ አዪኔ ኮኒ አ ዋሶፔ፣ ኢ ሲሲያዋ ኮኒ ኤሪያ ዲራው፣ አ ሲንሳን ያዮኮ።

15 ኮኒ ዋሲያ ኡባን ኢ ሲሲያዋ ኤሮፔ፣ ኮኒ አ ዋሴዳዋ ኢ ዛሬዳዋ ኤሬቶ።

16 ኦኒኔ ሃይቁ ቤሴና ናጋራ ባሬ አሻይ ኦሊሽን ቤዖፔ፣ ያሳ ዋሳናው ቤሴ፤ ሃይቁ ቤሴና ናጋራ ኦሌዳዋንቶ ያሳይ ዳዑዋ ኢማና። ሃይቁ ቤሴያ ናጋራይ ዳዔ፤ ታኒ ሂንቴና ሄዋ ያሳ ዋሲቴ ጊኬ።

17 ባዪዞ ኦሱ ኡባይ ናጋራ፤ ሽን ሃይቁ ቤሴና ናጋራይ ዳዔ።

18 ያሳ ናናይ ኦኒኔ ናጋራ ኡባ ዋዴ ኦሌናዋ ኮኒ ኤሬቶ። አዪሲ ጎፔ፣ ያሳ ናዓይ ኡንቴንታ ናጌ፤ ቃሲ ፃላሂያ ካፑካ ኡንቴንታ ቆሃናው ዳንዳዬና።

19 ኮኒ ያሳዋንታ ጊዲያዋኔ ሃ አላሚ ኡባይ ፃላሂያ ካፑዋን ዋዴቴዳዌ ኤሬቶ።

20 ኮኒ ቱሙ ያሳ ኤራናዳን፣ ያሳ ናዓይ ዬዳዋኔ ኮሲ አከካ ኢሜዳዋ ኤሬቶ። ኮኒ ቱሙ ያሳ ጊዶን፣ አ ናዓ ዬሱሲ ከሪሰቶሳ ጊዶን ዳዔቶ፤ ኢ ቱሙ ያሳኔ ሜዲና ዳዑዋ።

21 ታ ናቶ፣ ኤቃቴዋፔ ሂንቴ ሁጲያ ናጌቴ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 1 Oct 2024 from source
files dated 29 Jan 2022
585b63ca-b8e6-55c8-bfef-10bdc95ad69c